

Ingoa: _____ Rangi: ____/____/____

He Whakaparahako

Nā Peti Nohotima

Whatukura

“He aha te raruraru, Asa?” “E, aua. I roto noa iho māua ko Peti i te toa, ka kī mai ia kia hoki mai māua ki te kainga.” “Kāre au i te pīrangī noho i konei,” te hotu a Peti. “I kaitaina hoki māua e ētahi tamariki.” “He aha kōrua i kaitaina ai?” te ui a tō rāua whaea. “Nā te mea he kōrero Māori nō māua. I te whakaparahako rātou ki a māua.”

“Tēnā, anei whakarongo mai,” te kī a tō rāua Māmā. “I neke mai tātou ki Wairau nā te mea he mahi ako māku i konei. Kāre hoki e pai ki te whakarere nā te mea i kaitaina kōrua e ētahi tamariki. Ka kaha kōrua i nāianeī, ka kaha kōrua mō ake tonu ake.”

“Waimarie kōrua ko kōrua anake ngā tamariki mōhio ki te kōrero Māori i roto i tēnei whārua. Kei te mārama kōrua ki ngā kōrero a ētahi i roto i tētahi reo, engari kore rawa rātou e mārama ki ā tātou kōrero. Ka kite kōrua, kei te haramai te wā ka pīrangī ēnā tamariki me ētahi atu kia rite rātou ki a kōrua.”

I nāianeī, kua mutu te mamae o ngā tokorua, kua menemene tō rāua whaea ki a rāua. Āe mārika. He pai noa iho te rerekē. “Haere mai tātou ki te tunu panakeke hei kīnaki tī. Tikina ngā hēki Asa.”

“Pēhea taku aihikirimi?” te pātai a Asa. Pakaru ana te kata a Peti rāua ko tana whaea. Tau ana te rangimārie ki te whānau.